

A JUDI GÂN WŪN SEB KŪ A BALA NA PUORO

I Maa Judı na ı a Yesu Kırısıto gbāgbaa, naa mı ı a Jemesı yebe, le seere a gān nyā kūrō a yın bala a Sāa Nāanmın na bōol a yı be a wō nōfo pō ka wō gu yı taa lee a Yesu Kırısıto 'yōō.

II Nıbaal nı nyā'maar nı nōfo a dōolo yı taa.

III N barmıne, n dōo mōō nıbir ıka n seb a faafu nyā sı jaa na pō, naa nye ıka a see naa ka n seb kpākpāan yı a yı mūrō nı a sōofu 'yer 'lo a Nāanmın na de kō a wō nıbe.

IV Nıbe bamıne sōofu yele na dōo seb bin kōr jaa sōol naa na ba fōol kpe a yı pō. Baa puoro ε, ba nyōon a sı Nāanmın wāefu yele lıeb na ba nye sōr sēne tı na ba tōr a Yesu Kırısıto tee na ı a sı Tōōnō nı a sı Soro.

V Yı gba den nie bōon a anyāna, tı n bōōrō naa ıka n le jēō yı ıka, a sı Soro faan a wō nıbe yın a Ijipıtı tēe pō, tıche wō le wa nyōol a bala jaa na ba sōō ε.

VI A malakası bala na ba ara a ba tōofu araa jie ε, tıche na ba tōr a ba māe yir bar, bala le a Nāanmın lūn a bōjōr kpāen 'yōō be a libe pō chele nı a 'yer tōorfō bıbir kpēe daar.

VII A le ne nı wō ju mı le, a Sodom nı a Gomora, nı a tēcheelsı ala na jilō de a ba māe kō a sēsēyele, ka dōor gāna nı taa, ka a būu na ba kpıine ε, di ba, naa ı yelmanaa gā.

VIII A ɛ nɪ wɔ ju mɪ ɛ, a jãna dẽme banyãna sɔɔn a ba ãgãma, baa turo a sɪ Soro binfɔ ɛ. Ba ma kpere naa a saaju bõmaalsɪ.

IX Tɪche a Maɪkɪl gba na ɪ a malakastɪ nɪkpɛɛ a 'lɔ naa Tɪ na dõɔ chɪre taa nɪ Mosesɪ ãgãn ye, waa 'la tu a Tɪ bu kpɛ wɔ ɛ, tɪ na wɔ 'yer, "A sɪ Soro ɛ na kpãa fɔ."

X Tɪche a nɪbe banyãna ma kpere naa a bonstɪ ala ban ba bõɔ a par ɛ, ka a yelstɪ ala ban ba bõɔ yi a ba dɔɔfɔ daar, kaara fɪka dõn na ba tara tɪer ɛ, a yelstɪ anyãna ɛ na sɔɔ ba.

XI Nebier nyɔɔ ba naa, bojũu ba den a Kain sɔr. Tõnõ jũu a ba far kpɛ a Balaam bɔrfɔ pɔ. A nɛchɪre jũu, ba mɪ nyɔɔl naa a Kora kaar. ¹

XII A nɪbe banyãna kaara fɪka bõsɔɔnstɪ na jer yɪ a yɪ nebõ'yen lõɔ di daar. Ba maa beɛ nɪre ɛ, ba mãɛ ɛ ba kaara. Ba ɪn julõjuur na ba tara kõɔ ɛ, ka a sɛsɛbe furo yɔɔrɔ nɪ. Ba kaara fɪka kpãchãan tɪr na ba tara wõmõ ɛ, ka ba võ dɪɛl bar ka a kpi.

XIII Ba kaara na fɪka a man kpɛɛ a sɛsekpɛɛ na furo ka a ba vã furo a kõɔ fuul kaar, na ba kaara fɪka n̄marbie bɔrɔ yɔɔrɔ ka a Nãan̄mun chɔɔr jilibe jaa gbɛb guro nɪ ba.

1 **I:XI 11** Kain ɪn a Adama nɪ a Hawa bidadõɔ. Nyuur jũu, ka wɔ kɔ a wɔ yɛbile. (A Pɪlfɔ Gãn 4:1-16) A Balaam dõɔ ɪ Nãan̄mun 'yɛ'yɛrɛ na sɔɔ ɪka wɔn den libie tɪ pɔ 'yõɔ a Isral nɪbe. Wɔn wa chiine, malaka n̄maa wɔn sɔr ka waa tõɔ ɪ a ɛ. (A Sɔrfɔ Gãn 22-24) A Kora ɛ dõɔ ɪ a bawõno na de a nɪbe nie ka ba tɪ mii 'yõɔ a Mosesɪ nɪ a Aaron. Ka Nãan̄mun nyɛn wɔ suur, ka a tẽe yuo vɔl wɔ nɪ a bala jaa na turo wɔ. (A Sɔrfɔ Gãn 16)

XIV Enok na ɪ a Adama yõɔ suulaa ayopõĩ sɔɔ mɪ dõɔ 'yer a nɪbe banyãna 'yer, “Nyɛ, a sɪ Soro waara naa nɪ a wɔ nɪchɛchɛsɪ turo turo.

XV Wɔn wa tɔɔr nɪrɛ jaa 'yer, na wɔ 'yer a lɛ a bala na ba puoro ε, a lɛ jaa ban tõ nɪ a lɛ ban maal tɔr a Nãanmɪn nɪ a 'yer bikpãen ala ban 'yer dɔɔl wɔ.”

XVI A nɪbe banyãna lɛ ma ɪrɛ gborõ gborõ, na ba nyɛrɛ a ba taaba bɔrfɔ. Ba ma turo naa a ba mãɛ vɔldɛɛr, a ba mãɛ yobɔ 'yer lɛ ba ma 'yerɛ bele nɪ a ba taaba tõnõ jũu.

XVII Tɪchɛ n barmɪnɛ, yɪ tɪɛr a lɛ a sɪ Soro Yesu Kɪrɪsɪto nɪtõnsɪ na dõɔ 'yer.

XVIII Ba 'yer kɔ yɪ ɪka, “A ber baaraa sõɔ, nɪlaarba na turo a ba ãgãn vɔlaa na wa naa.”

XIX A nɪbe banyãna lɛ ma waan ootaa, na ba turo a ãgãn bɔfɔ na baa tara a Nãanmɪn Sɪɛ ε.

XX Tɪchɛ a yɪn n barmɪnɛ, yɪ mɛ a yɪ mãɛ dɔɔl a yɪ sɔɔfɔ chɛchɛ ju, na yɪ sɔɔrɔ a Nãanmɪn nɪ a wɔ Sɪɛ kpɛɔ.

XXI Yɪ sɔɔl yɪ mãɛ a Nãanmɪn nõfɔ pɔ na yɪ chɛlɛ a sɪ Soro Yesu Kɪrɪsɪto nɪbaal, a wɔ waan a nyɛvɔr na ba tara baarfɔ ε, wa kɔ yɪ.

XXII Yɪ tara a bala na baala nɪ nɪbaal.

XXIII Yɪ võɔ a bamɪnɛ yɪn a bũu pɔ na yɪ faa ba. Na yɪ mɪ kaa a bamɪnɛ nɪbaal tɪ 'yõɔnõ jõmõ, na yɪ taa maal a ba dɛɛr ala ban maala ε.

XXIV A 'lɔ na gu yɪ ka yɪ kõ tõɔ lo ε, na wɔn wa waan yɪ a wɔ tɪr niem a yɪ kõ tara chɛfɔ ε, ka a nõɔ kpɛɛ kpɛ yɪ.

XXV A Nãanmɪn bõ'yɛn nyã tɛɛ lɛ ɪ a sɪ Fafaara, wɔ nyɛ tɪr, nɪ 'yõɔfɔ, nɪ kpɛɔ, nɪ tõɔfɔ tu a sɪ

Soro Yesu Kırısıtı 'yõõ sere ti wõ wa maal a wer
nı põpãanyã bıbir nı bıbir jaa! A ı a le.

**A Nãanmun Nɛtur Oaalaa Gãn, Burfoor
Birifor, Southern: A Nãanmun Nɛtur Oaalaa Gãn,
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

97b1f1fe-19fd-52d9-9481-ad2a6ade2772